

“TILBATU-T-TALABA” ASARI YOZILISHINING O‘ZIGA XOS XUSUSIYATLARI

Hafizov Najmuddin Abdurashidovich

O‘zbekiston xalqaro islom akademiyasi tayanch doktoranti

Najmuddin Abu Hafs Umar ibn Muhammad an-Nasafiy o‘z davrining yirik olimi hisoblanib o‘zidan keyin juda ko‘plab kitoblarni meros qilib qoldirgan. Quyida yozilish uslubi haqida ma’lumot beriladigan kitob ham u kishining qalamlariga mansubdir. Dastaval bu kitob hali yozilmagan edi. Islom ilmlarining barcha sohalarida kitob yozib yosh avlodni ilm chashmasi bilan sug‘orib kelayotgan olim huzuriga bir kuni shogirtlari kelib ba’zi bir fiqhiy terminlarga duch kelishayotganlari va unga tushinish qiyin bo‘layotganligini aytib arz qilishadi. Shu voqeа sabab bo‘lib olim hanafiylik fiqhiga oid fiqhiy atamalarni, so‘z va terminlarni o‘z ichiga oлган, talabalar o‘qiganda tushunishlari oson boladigan bir kitob yozishlikka kirishadi. Ushbu kitobning muqaddima qismida ham olim bu haqda aytib o‘tib shunday deydiki: “ Huzurimga bir guruh ahli ilmlar kelib, ilmiy va adabiy iqtiboslarda tushinishi qiyib bo‘lgan so‘zlarni sharhlab berishimni mendan so‘radilar... ”.¹¹

Kitob yozilib, ahli ilmlar diqqat e’tiboriga havola etilgandan keyin kitob mashhur bo‘lib ketti. Bunga ba’zi bir etiborli sabablar mavjud edi. Bizdagи ushbu kitobning tadqiqot olib borilayotgan nusxasi Damashqdagi “Ommaviy fatvolar idorasи” mudarrisi Shayx Xolid Abdurrohman al-Ak tomonidan sharhlab, nashrga tayyorlangan, uchinchi nashri hijriy 1436-yil, millodiy 2015-yilda Bayrutdagi “Dor an-Nafois” nashriyotida chiqqan nusxasidir. Bu kitobning birinchi nashri 1993-yilda, ikkinchi nashri esa 1999-yilda chop etilgan. Shu o‘rinda aytib o‘tish lozimki, “Tilbatu-t-talaba” asarining shu nashrini tadqiq etish davomida mudarris Shayx Xolid Abdurrohman al-Ak har doim olimning nomini tilga olganda “Alloh rahmatiga olsin” jumlasini ishlatganligiga duch kelinadi.

Ushbu kitob muallifi, olim Abu Hafs Nasafiy bu kitibi orqali islom ilmlari sohalarining mutaxassislari bo‘lgan tolibi ilmlarga murojaat qilgan holda ularning bu ilmlarga bo‘lgan muhabbatlarini rag‘batlantirish, ularga yordam berish va ular tushinmagan va qiyin bo‘lgan ma’lumotlarni ularga tushintirishga qattiq kirishgan va bu ishga judayam haris bo‘lgan. Shu maqsadda ochiq va tushinarli bo‘lgan uslub va shakldan foydalanib yozilgan bu foydali kitobni ular uchun yozib qoldirgan. U kitob shunday yozilganki, qisqa so‘zlar va tushintirishlar orqali keng ma’nolar ochib

¹¹ Najmuddin Abu Hafs Umar ibn Muhammad an-Nasafiy. Tilbatu-t-talaba. – Bayrut: Dor an-Nafois, 2015. – B. 68.



berilgan. “Hanafiy fiqhi lug‘ati” nomini olgan bu kitob o‘zi qisqa yozilgan bo‘lsa ham keng ma’nolarni qamrab olganligi e’tirofga sazovordir.¹²

Bu mo’jaz kitob muayyan lug‘at ilmiga oid qoidalar, fiqhiy so‘z va iboralar bilan chegaralangan. Maqsadli, qisqa-qisqa tar’iflar bilan kifoyalaniqligini ko‘rishimiz mumkin. Fiqhiy so‘z va iboralarni izohlab berish va mo’jaz qilib qisqartirib berishda fiqh ahli yo‘lini tutgan. Allomaning ushbu kitobni yozish uslubining boshqa tilshunos olimlarnikidan ajralib turadigan tomoni shundaki, so‘zlar tarjimalariga ko‘p ortiqcha narsalarni qo’shib tashlash va chuqurlashtirib yuborishdan uzoq bo‘lgan. Keraksiz darajada kengaytirib ham yubormagan.

Yuqoridagi aytilgan gaplar olim qo’llagan umumiy uslublardan edi. U kishining qo’llagan ilmiy uslublariga keladigan bo‘lsak, muallif o‘z kitobini yozishda shunga odatlanganki, avvalambor so‘zlar ketidan birinchi navbatta ularning lug‘aviy ma’nolari keltiriladi. Undan keyin esa ularning fiqhiy-istilohiy ma’nolarini keltiradi. So‘ngra ularga Qur’on oyatlari va nabaviy hadislardan isbotlarni keltirib o’tadi. Yuqorida aytgan gaplariga isbot sifatida dalillarni keltiradi, yoki ba’zi bir istilohlardan naql qilib o’tadi. Ko‘pincha esa so‘zlarning shunday istilohiy ma’nolariga dalillarni keltirmaydi.

Muallif (Alloh taalo uni rahmatiga olsin) fiqhiy kitoblar va ularning boblari nomlarini istilohiy nomlari bilan boshlaydi. Undan so‘ng esa fiqhiy mavzularni chegaralamagan holda har bir bob va paragriflarda muhim istilohiy-fiqhiy lafzlar va juda kam uchraydigan so‘zлarni keltirishni boshlaydi.

Olim hanafiy kitoblarning orasidan mana shu kitobni asosiy obyekt qilib tanlagan. Undan keyin hanafiy mazhabidagi hadis, tafsir, lug‘at, fiqh va boshqa kitoblarida kam uchraydigan lug‘at ilmi va tafsir ilmiga oid bayoniy asoslarni keltirgan. Abu Hafs Nasafiy o‘zining bu kitobida yuqoridagi ilmlarga suyanadi. Shunisi qiziqarlikki, alloma kitobidagi bu nodir ma'lumotlarni qayer va qaysi manba’dan olinganligini kamdan-kam hollarda keltirib o’tadi.

Shu bilan birgalikda o‘z fikrlarini dalillash maqsadida Payg‘ambar (s.a.v) hadislardan isbotlar keltiradi. Eng qizig‘i shundaki, hadislarni keltirishda ularning sahih va hasanligiga e’tibor berimaydi. Sababi olim o‘ziga yetib kelgan rivoyatlarga suyanadi. Shunisini aytish kerakki, o’sha rivoyatlarning orasida sahihlari ham bor, illatlilari ham bor. Bu kitob ustida ish olib borgan olim shayx Xolid Abdurrohman al-Ak yuqoridagi holatlarga guvoh bo‘lib, bu haqidagi fikrlarini hadislarning to‘g‘rilarini chiqarib olish qismida aytib o’tgan.

¹² Najmuddin Abu Hafs Umar ibn Muhammad an-Nasafiy. Tilbatu-t-talaba. – Bayrut: Dor an-Nafois, 2015. – B. 63.





Bu kitob o'ziga yarasha foydali va kamchiliklari bilan birga manfaatli va nodir kitoblar sarasidan joy olgan. U ilm talabida yurgan o'quvchilarni keng va mo'l-ko'l ilmiy-asosli malumotlar bilan boyitadi.

Xulosa o'rnida shuni ham aytib o'tish kerakki, shayx Xolid Abdurrohman al-Ak kitob yozilishiga ta'rif berib bo'lgandan so'ng oxirida Abu Hafs Nasafiy uchun Allohgaga duo qilganligi ham olimning qoldirgan ushbu asari undan keyingi olimlarning e'tiboridan chuqr joy olganligidan dalolatdir.

